

## Te Rūnanga Whakatika Whanonga – he tuhinga ataata mā ngā akonga me ō rātou whānau

Te Rūnanga Whakatika Whanonga – he tuhinga ataata mā ngā akonga me ō rātou whānau

Mehemea he taumaha te whanonga whakapā hē o tētahi kaiako, ka whiria e te Rūnanga Whakatika Whanonga Kaiako o Aotearoa. He rite ki tētahi kōti. Ka kawea e te rūnanga ōna whakawākanga i waho anō i te maru o Matatū Aotearoa, me te Komiti Whiriwhiri Take, e tuku nei i ngā kaupapa ki a ia. Ko ngā mema o te rūnanga he kaiako tautōhito, me tētahi rōia.

Tērā pea ka noho mai he rōia, he māngai rānei mō te kaiako, i tōna taha hei āwhina i a ia i roto i te hātepe katoa. Ko te kaikōkiri whakapae mō te take, he mema nō te Komiti Whiriwhiri Take. Mehemea he ākongā koe, kua pāngia hoki e te whanonga o tētahi kaiako, ka taea koutou ko tō whānau te āwhina e mātou kia mārama koe ki ngā āhuatanga kei te haere.

He tini ngā take ka whakatauria i runga i te whakaae tahi mō ngā āhuatanga i pā. I ērā tū take, ka tuhia he whakarāpopototanga meka hei whakaahua i ngā wāhanga matua o ngā taunakitanga. Mehemea kāore he whakaetanga ki ngā āhuatanga i pā, ka whakahaeretia tētahi whakawākanga tūmatanui, rite tonu ki tētahi take i te kōti.

Mehemea he whakawākanga, ka hoatu ā-tuhitia ngā taunakitanga, heoi anō, mō ētahi ka āhei ngā kautaunaki te haere atu, te whakautu pātai hoki. He ruarua ngā whakawākanga e tonoa ai ngā ākongā kia tū ki te hoatu ā-kanohi i ētahi kōrero.

Ka haere ngā whakatau mō te whakahaere i te whakawākanga i tētahi huihuinga tōmua i te whakawākanga. Tētahi āhuatanga nui o tēnei he whakatau mehemea me karanga kaitaunaki. Ka haere tēnei huihuinga tōmua mā te waea. Heoi anō nei te hunga o roto ko te tumuaki, ko te kaiako me tō rātou kanohi, me te kaikōkiri i te whakapae.

Tētahi wāhi o te huihuinga o mua he whakawhitihiti kōrero mō te pēhanga ingoa, me te pēhanga taunakitanga whaiaro. He whakawākanga tūmatanui ngā whakawā a te Rūnanga, ā, ka tae mai te hunga pāpāho i ētahi wā. E kore e taea e wai rānei te pāho ingoa kua oti te pēhi. Me mātua whiriwhiri te rūnanga mehemea me pēhi ia i te ingoa o ngā ākongā. Ka taea e mātou te hoatu kōrero ki a koe mō te hātepe pēhanga ingoa me ō mahi mō taua kaupapa.

I muri i te whakawākanga, ka whakatau te rūnanga mehemea he pono tūturu ngā whakapae, ā, me he pono, he aha he mahi māna. Tētahi o aua mahi pea he whakatārewa he whakakāhore rānei i te rēhitatanga o tētahi kaiako, o tōna tiwhikete whakaako rānei. Mō ētahi atu ka āhei tonu pea te kaiako ki te whakaak

I ētahi wā ka whakatau te rūnanga kāore kau he mahi kē atu māna.

Mehemea kua whai wāhi koe ki tētahi take kua uru ki te hātepe o te rūnanga, ka taea e ā mātou kaimahi takawaenga te tohutohu i a koe mō ngā mahi, me te hoatu mōhioatanga whakapā ki ētahi atu whakahaere hei tautoko, hei tohutohu hoki i a koe.

Tirohia tō mātou pae tukutuku mō ētahi atu mōhiohio, tae atu ki tētahi atahanga hei whakaatu i te rūma whakawā o te rūnanga, ko wai hoki ka tae atu, mō te nuinga o ngā hui.

